



UDAL DEKALOGOA TAFALLAKO EUSKARARI BURUZKOA.

1.- UNESCOk bere Kultur Aniztasunaren gaineko Deklarazio Unibertsalean oroitarazten digun bezala (París 2001), geroan ONUk berresten duena, edozein hizkuntza gizon-emakume guztien lehen mailako ondare kultural aberatsa da. Bere defentsa eta babesa betebeharrak kolektiboak dira aniztasun kulturala sustatzeko eta planetako herri guztien arteko pakea eta adeitasuna bermatzeko. Hortaz, **"Vascuence" edo Euskara** bada **altxor linguistiko eta kulturala**, 7000 urteetan zehar biztanleen artean komunikazio sistema bezala irautea lortu duen munduko bitxi linguistikoa, bada Mendebaldeko Europan bizirik dirauen hizkuntza preindoeuropar bakarra, hortaz kontinenteko sustrai kulturaletako bat.

2.- Sancho Jakitun Erregeak "nafarren hizkuntza" deitu zion eta Tafallako lehen Historian (Francisco Eraso 1651) horretaz mintzo da *"tafallarren jatorrizko hizkuntza bezala"*, beste hizkuntza batzuekin bizikidetzan, nafar erdara bezala. Ondorioz, lingua navarrorum nafar oren ondarea da.

3.- Gaur egun gure Historian agertzen den hizkuntza izateaz gain (hondar mintzoan, toponimian, Tafallako antroponimian) Tafallako ehunka ikasle adierazteko eta ikasteko erabiltzen duten hizkuntza ere bada, bereziki azken 40 urteetan erakunde publikoek zein ekimen pribatuak sustatu duten berreskuratzeko lan izugarriari esker.

4.- Hala eta guztiz ere, hizkuntzaren ezagutza maila zeinahi den ere, euskara Tafallako herritar guztien ondare kulturala da. Horrela berretsi dute ondoko udal guztiak, tokiko pertsona ospetsuak, erakunde kulturalak eta eragile sozialak. Guztion ondarea defendatzea bada herritar oren zeregina eta betebeharrak, Udala buru delarik.

5.- Herri ondarea izaki, ezin da inor beraz jabetu, ezta komunikazioa eta transmisio kulturala ez den beste xede batekin erabili ere. Eta arrazoi berdinagatik ere, Tafallar guztiek badute erabiltzeko, ikasteko, babesteko eta zabaltzeko eskubide berbera, inguruko gainerako hizkuntzekiko baldintza beretan.

6.- Udal Euskara Batzorde honek, herriko zati handi baten eskaerari erantzunez, Tafallako jendartea euskara gure eguneroko bizimoduan naturaltasunez txertatzera animatzen du, zaintzen lagunduz, geure ezaugarriak indartuz eta geroko Tafallari onura baino ekarriko ez dion hizkuntz aniztasunean aurrera eginez.

7.- Lehenik eta behin erregu egiten diegu geure Udalari, nola kargudun hautatuei hala udal funtzionarioei, bere ekitaldi publikoetan euskara erabiltzera, modu duinean eta zuzenean: bere elkarrizketetan, ekitaldi protokolarioetan, afixetan, papertegian, iragarkietan eta abarretan. Halaber, gonbit egiten diegu gainerako udal erakundeei (Mankomunitateak, Patzuergoak, Ospitala, Zahar Egoitzak, Musika Banda, Zezen Plaza, Kultur eta Kirol Patronatuak. Musika Eskola, Kirol Hiria, Gazte Lekua, ea) elebitasunean eta Euskararen normalizazioan urratsak ematera bere egite esparruetan.

8.- Tafalla bizi, erlazionatu eta adierazten da gure ehun sozial oparoa osatzen duten mota guztietako erakundeetan: sindikatuak, elkarteak, peñak, koadrilak, eliz taldeak, musika taldeak, saltokiak ... Direnak direla, horiek guztiak animatu nahi ditugu ahal duten neurrian Euskara txertatzera bere deialdietan eta agerpen publikoetan. Eta hala behar izanez gero, laguntza eskatu Udaleko Euskara Batzorde honi eta teknikariei.

9.- Halaber Euskara Batzordea Dekalogoia zintzoki betetzeaz arduratuko da Tafallako jendartean elkarbizitza errazteko, elkarrenganako begirunea bultzatu eta sustatu dezan eta Tafallako herritarrak bertako hizkuntzekin identifikatuak senti daitezen.

10.- Eta azkenik, auzokideei proposatzen diegu gure arbasoek utzitako milaka urteko bitxi hau ezagutzea, erabiltzea, babestea eta zabaltzea. Orain, XXI. mendean gauden honetan, datozen belaunaldikoei helaraztea egokitu zaiguna.

Tafallako Udaleko Euskara Batzordeak aho batez oartua
Tafallan, 2012ko ekainaren 20an